

## 关于冬天的古诗

1.  
邯郸驿里逢冬至，抱膝灯前影伴身。想得家中夜深坐，还应说着远行人。  
——白居易《邯郸冬至夜思家》

2.  
一声画角谯门，半庭新月黄昏，雪里山前水滨。竹篱茅舍，淡烟衰草孤村。  
——白朴《天净沙·冬》

3.  
十月江南天气好，可怜冬景似春华。霜轻未杀萋萋草，日暖初干漠漠沙。  
老柘叶黄如嫩树，寒樱枝白是狂花。此时却羡闲人醉，五马无由入酒家。  
——白居易《早冬》

4.  
故关衰草遍，离别自堪悲。路出寒云外，人归暮雪时。少孤为客早，多难识君迟。  
掩泪空相向，风尘何处期。  
——卢纶《李端公/送李端》

5.  
燕台一望客心惊，笳鼓喧喧汉将营。万里寒光生积雪，三边曙色动危旌。  
沙场烽火连胡月，海畔云山拥蓟城。少小虽非投笔吏，论功还欲请长缨。  
——祖咏《望蓟门》

6.  
地白风色寒，雪花大如手。笑杀陶渊明，不饮杯中酒。浪抚一张琴，虚栽五株柳。  
空负头上巾，吾于尔何有。  
——李白《嘲王历阳不肯饮酒》

7.  
大雪压青松，青松挺且直。要知松高洁，待到雪化时。  
——陈毅《青松》

》

8.  
明朝驿使发，一夜絮征袍。素手抽针冷，那堪把剪刀。裁缝寄远道，几日到临洮。——李白《子夜吴歌·冬歌》

9.  
梅雪争春未肯降，骚人阁笔费评章。梅须逊雪三分白，雪却输梅一段香。  
。——卢梅坡《雪梅》

10.  
稚子金盆脱晓冰，彩丝穿取当银钲。敲成玉磬穿林响，忽作玻璃碎地声。  
。——杨万里《稚子弄冰》

11.  
千山鸟飞绝，万径人踪灭。孤舟蓑笠翁，独钓寒江雪。——柳宗元《江雪》

12.  
一方黑照三方紫，黄河冰合鱼龙死。三尺木皮断文理，百石强车上河水。  
。霜花草上大如钱，挥刀不入迷濛天。争漚海水飞凌喧，山瀑无声玉虹悬。  
。——李贺《北中寒》

13.  
晨起开门雪满山，雪晴云淡日光寒。檐流未滴梅花冻，一种清孤不等闲。  
。——郑燮《山中雪后》

14.  
明朝游上苑，火速报春知。花须连夜发，莫待晓风吹。——武则天《腊日宣诏幸上苑/催花诗》

15.  
雪纷纷，掩重门，不由人不断魂，瘦损江梅韵。那里是清江江上村，香闺里冷落谁瞅问？好一个憔悴的凭栏人。——关汉卿《大德歌·冬》

16.

回乐烽前沙似雪，受降城外月如霜。不知何处吹芦管，一夜征人尽望乡。  
。——李益《夜上受降城闻笛》

17.

月黑雁飞高，单于夜遁逃。欲将轻骑逐，大雪满弓刀。——卢纶《塞下曲》

18.

柳汀斜对野人窗，零落衰条傍晓江。正是霜风飘断处，寒鸥惊起一双双。  
。——陆龟蒙《冬柳》

19.

殷忧不能寐，苦此夜难颓。明月照积雪，朔风劲且哀。运往无淹物，年逝觉已催。  
。——谢灵运《岁暮》

20.

沉沉更鼓急，渐渐人声绝。吹灯窗更明，月照一天雪。——袁枚《十二月十五夜》

21.

冬夜夜寒冰合井，画堂明月侵帟。青缸明灭照悲啼。青缸挑欲尽，粉泪裊还垂。  
未尽一尊先掩泪，歌声半带清悲。情声两尽莫相违。欲知肠断处，梁上暗尘飞。  
。——苏轼《临江仙·冬夜夜寒冰合井》

22.

羽翼摧残日，郊园寂寞时。晓鸡惊树雪，寒鹭守冰池。急景忽云暮，颓年浸已衰。  
如何匡国分，不与夙心期。——李商隐《幽居冬暮》

23.

腊日常年暖尚遥，今年腊日冻全消。侵陵雪色还萱草，漏泄春光有柳条。  
纵酒欲谋良夜醉，还家初散紫宸朝。口脂面药随恩泽，翠管银罍下九霄。  
。——杜甫《腊日》

24.

日暮苍山远，天寒白屋贫。柴门闻犬吠，风雪夜归人。——刘长卿《逢雪宿芙蓉山主人》

25.

已讶衾枕冷，复见窗户明。夜深知雪重，时闻折竹声。——白居易《夜雪》

26.

万籁寂无声。衾铁稜稜近五更。香断灯昏吟未稳，凄清。只有霜华伴月明。应是夜寒凝。恼得梅花睡不成。我念梅花花念我，关情。起看清冰满玉瓶。——黄升《南乡子·冬夜》

27.

孟冬十月，北风徘徊，天气肃清，繁霜霏霏。鷓鸡晨鸣，鸿雁南飞，鹜鸟潜藏，熊罴窟栖。钱镈停置，农收积场，逆旅整设，以通贾商。幸甚至哉！歌以咏志。——曹操《冬十月》

28.

紫禁仙輿诘旦来，青旂遥倚望春台。不知庭霰今朝落，疑是林花昨夜开。——宋之问《苑中遇雪应制》

本文链接：<https://duanjuziku.com/duanjuzi/xkfachfayy.html>